

AR PILLAOUER

91

Ton anavezet.

Va zad en deuz va dimezet
 D'a eur flierieus pillaoñer, (*bis*)
 E Loqueffret ez eo gannet,
 E Kommanann Toul-al-Laër.

Foal, foal, var va zammic aotrou } *bis*
 Gant he stoup hag he billou !

Tri devez gonde va euret,
 En em gav foar Landerne ; (*bis*)
 Ha va lapous, prim difunet,
 A zav meaz deuz he vele.

Foal, foal, etc.

Drailla ra eun anter Pater,
 Tana ra he gorn butun, (*bis*)
 Tapout e ra he grog-poëzer,
 Evit mont var hent zizun.

Foal, foal, etc.

Ganthan n'em gav camaraded
 O vonet da billaoua (*bis*)
 He holl arc'hant hed deuz foted
 Ha tamm pillou c'hoas n'hen dos.

Foal, foal, etc.

Pa oa ann anter-noz sônet
 En ilis vras ar Fouille, (*bis*)
 Me oa intañvez glac'haret,
 Va unan bars va guele.

Foal, foal, etc.

Mont e ra d'ar vilin baper
 Gant eur zach'adic pillou, (*bis*)
 Kals buhannoc'h eget eul laër,
 Ha kollet gant-han he vontou.

Foal, foal, etc.

Pa'z lannic d'ar pardonniou,
 Bepred a ve mezo-dall ; (*bis*)
 Prest ez oa da goll he vragou,
 E Loqueffret, an deiz all.

Foal, foal, etc.

Pa zenio a c'hiz, er vro-ma,
 Da derri an dimenzion, (*bis*)
 Me a eillo en eur gana
 Pell deuz paotred ar pillou.

Foal, foal, etc.

Pa zemi karriguel an Ankou
 D'ober he dro er vro-ma, (*bis*)
 Me a gerzo war he roudjou,
 Hag hen pedo d'er zamma.

Foal, foal, etc.

Ha pa dô ann Ankou bontet
 Toul fleurion ar pillaoñer. (*bis*)
 Me a geizo d'hen lavaret
 Da gomman Toul-al-Laër.

Maro e va zammic aotrou, } *bis*
 Va he stoup ha he billou !

Pa vo grêt intéramant
 Gant ar paour-keaz pillaoñer (*bis*)
 A vò kavet, elec'h arc'hant,
 Ha zac'h pillou, he grog-poëzer.

Maro e va zammic aotrou, } *bis*
 Var he stoup hag he billou !

Red vo komz d'ann aotrou Person
 Deuz ar paour-keaz pillaoñer (*bis*)
 Ma vò kanet al Liberon (libera)
 Hag ouspenn-ze lip he rer

Maro e va zammic aotrou } *bis*
 Gant he stoup hag he billou !